

ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС
ТАЪЛИМ ВАЗИРЛИГИ
ЎЗБЕКИСТОН РЕСПУБЛИКАСИ СОҒЛИКНИ САҚЛАШ
ВАЗИРЛИГИ
ТОШКЕНТ ТИББИЁТ АКАДЕМИЯСИ ТЕРМИЗ ФИЛИАЛИ

“Тасдиқлайман”
ТТА Термиз филиали директори
Н.А. Дияров
“ ” 2018 й

“Ёш олимлар кенгаши”
НИЗОМИ

**Тошкент Тиббиёт академияси Термиз филиали қошидаги
“Ёш олимлар кенгаши”
НИЗОМИ**

I. УМУМИЙ ҚОИДАЛАР

1.1. Тошкент тиббиёт академияси Термиз филиали қошидаги “Ёш олимлар кенгаши” филиали профессор-ўқитувчилари, тиббиёт соҳасининг етук олимлари, тажрибали мутахассислари ва ёш олимларнинг жамоат ташкилоти бўлиб, илмий-тадқиқотлар билан шуғулланувчи ёшларни бирлаштириш, уларни илмий-тадқиқот фаолиятига тизимли асосда йўналтириш, мавжуд илмий мактаблар анъаналарини давом эттириш ҳамда янги илмий мактабларни шакллантиришга замин яратиш, ёш олимлар касбий ва ижтимоий-маиший микёсдаги илмий ижодий фаолиятини қўллаб-қувватлаш, филиалда фундаментал, амалий ва инновацион тадқиқотларни ривожлантириш орқали таълим сифатини ошириш ва шу тарзда илмий кадрлар тайёрлашнинг барқарор ривожланишини таъминлаш ҳамда ёш олимлар ижодий ютуқларини тарғиб қилишда қўмаклашиш вазифаларини амалга оширишга хизмат қилади.

1.2. ТТА Термиз филиали қошидаги “Ёш олимлар кенгаши” (кейинги ўринларда - Кенгаш) филиал профессор-ўқитувчилари, тиббиёт соҳасининг йирик ташкилотларининг раҳбарияти, тажрибали мутахассислар, катта илмий ходим-изланувчилар, мустақил изланувчилар, магистрант талабалардан иборат таркибда шаклланган (кейинчалик – ёш олимлар) жамоат ташкилоти ҳисобланади.

1.3. Кенгаш барча имкониятларини қўллаган ҳолда ёш олимлар ижодий фаоллигини ривожланишига, уларнинг мутахассисликлари бўйича камол топишига, мамлакатнинг тиббиёт соҳасидаги ривожланиши муҳим илмий ва амалий муаммоларнинг илмий жиҳатдан ечимини топишга қўмаклашади, ёш тадқиқотчиларни моддий ва маънавий қўллаб-қувватлашга ўз салоҳият ва имкониятларини тўлиқ намоён этишларига ёрдамлашади ва шароит яратади.

1.4. Кенгаш фаолияти ёш олимлар жамоат ташкилотининг асосий йўналишлари ва фаолият шаклини белгилаб берувчи Ўзбекистон Республикаси Конститутцияси, “Таълим тўғрисида”ги ва бошқа қонунлари, Ўзбекистон Республикаси Кадрларни тайёрлаш миллий дастури, Ўзбекистон Республикаси Олий ва ўрта махсус таълим вазирлиги (ОЎМТВ) ва Ўзбекистон республикаси соғлиқни сақлаш вазирлигининг буйруқлари, қарорлари ва кўрсатмалари ҳамда мазкур Низомга асосан олиб борилади.

1.5. Кенгаш ўз фаолиятида ТТА Термиз филиалига, ЎзССВ ва ОЎМТВга бўйсунди ва ҳисобот беради.

II. КЕНГАШНИНГ МАҚСАДИ ВА ВАЗИФАЛАРИ

2.1. Кенгашнинг асосий мақсади – олий таълим тизимида ёшларни илмий-тадқиқот фаолиятига тизимли асосда йўналтириш, мавжуд илмий мактаблар анъаналарини давом эттириш ҳамда янги илмий мактабларни шакллантиришга замин яратиш, ёш олимлар касбий ва ижтимоий-маиший микёсдаги илмий-ижодий фаолиятини қўллаб-қувватлаш, фан, таълим ва ишлаб чиқариш интеграциясини изчил ривожлантириш асосида илмий тадқиқотлар билан мунтазам шуғулланувчи ёшларни бирлаштириш, филиал профессор-ўқитувчилари, тиббиёт соҳасининг йирик ташкилотларининг раҳбарияти, тажрибали мутахассислари томонидан уларнинг мутахассисликлари ва тиббиёт соҳаларга оид қизиқишларини қўллаб-қувватлаш – шу тарзда юқори малакали илмий-педагог кадрлар тайёрлашнинг барқарор ривожланишини таъминлашга қўмаклашишдан иборат.

2.2. Ёш олимларни филиал профессор-ўқитувчилари, тиббиёт соҳасининг йирик ташкилотларининг раҳбарияти, тажрибали мутахассислари маслаҳатлари ва қўмағида мамлакат тиббиёти учун долзарб, миллий иктисодиётимизнинг барқарор ривожланишига,

халқимиз маънавияти ва маданиятининг юксалишига кўмаклашувчи фундаментал, амалий ва иновацион йўналишлардаги илмий фаолиятга жалб қилиш.

2.3 Ёш олимлар фаолияти орқали илм-фаннинг устувор йўналишлар бўйича илмий тадқиқот ишларини ташкил қилиш ва олиб боришда устоз-шогирд тизимини шакллантириш.

2.4. Фанлар академияси илмий-тиббий тадқиқот муассасалари ҳамда бошқа илмий-тиббий марказлар билан ҳамкорликни ривожлантириш ва мустаҳкамлаш, ёш олимларнинг ижодий фаоллигини кучайтириш, илмий анжуманлар, семинарлар ўтказишга кўмаклашиш.

2.5. Ёш олимларнинг илмий-тиббий тадқиқот иши натижаларини умумлаштириш ва унинг янги шакллари излаш, ОЎМТВ муассасалари ва ЎзССВ тизимидаги соҳа корхоналарида тадбиқ этишда барча имкониятларни ишга солган ҳолда ташаббускорлик кўрсатиш.

2.6. Республика ва халқаро илмий анжуманларда иштирок этиш учун ёш олимларнинг илмий сафарларини режалаштириш ва ҳар томонлама ёрдам кўрсатиш.

2.7. Ёш олимларнинг етакчи илмий марказлар ва ОТМлардаги хорижий ҳамкасблари билан ўрнатилган тартибда фаол халқаро ҳамкорлигини ташкил этиш, хорижий давлатларнинг нуфузли илмий-тиббий марказ ва муассасалари билан илмий ҳамкорлик алоқаларини ўрнатиш, ҳамкорликда илмий-тиббий тадқиқотлар олиб бориш, анжуманлар, семинарлар ва бошқа илмий-тиббий тадбирларда иштирок этишга, хорижий мамлакатларнинг илмий журналларида мақолалар эълон қилишга кўмаклашиш.

2.8. Ёш олимлар илмий ишлари натижаларини филиал профессор-ўқитувчилари, тиббиёт соҳасининг йирик ташкилотларининг раҳбарияти, тажрибали мутахассислари томонидан мунтазам муҳокама этиш, давлат грантлари, хорижий мамлакатлар грантлари ва хўжалик шартномаларида ёш олимлар иштирокини таъминлаш, энг яхши ва Республика учун устувор ҳисобланган илмий тадқиқот натижаларини филиал газета ва журналларида нашр этиш ва оммалаштиришга кўмаклашиш.

2.9. Ўз фаолияти давомида юқори натижаларга эришган ёш олимларни рағбатлантириш бўйича тавсиялар бериш.

2.10. Ёш олимларнинг фаолиятини қўллаб-қувватловчи грант ажратувчи ташкилотлар тўғрисида маълумотлар йиғиш ва улар ҳақида ёш изланувчиларни хабардор қилиш.

III. КЕНГАШНИНГ БОШҚАРУВ ОРГАНЛАРИ ВА УЛАРНИНГ ВАКОЛАТЛАРИ

3.1. Кенгашнинг таркиби профессор-ўқитувчилари, тиббиёт соҳасининг йирик ташкилотларининг раҳбарияти, тажрибали мутахассислари ҳамда катта илмий ходим-изланувчилар, мустақил изланувчилар, иқтидорли талабалардан иборат бўлиб, филиал директори буйруғи билан тасдиқланади.

3.2. Кенгаш раиси ва котиби олий таълим муассасаларидаги ёш олимлардан иборат аъзолардан, жамоатчилик асосида Кенгаши йиғилишида 2 йилгача муддатга сайланади.

3.3. Кенгаш ҳар ойда бир марта йиғилади.

3.4. Кенгаш йиғилишлари орасидаги даврда унинг фаолият йўналишига доир тезкор масалаларни Кенгаш котибияти (филиал профессорлари, раис, унинг муовини ва котибдан ташкил топган таркибда) ҳал қилади.

3.5. Кенгаш раиси:

- Кенгашнинг расмий вакили ҳисобланади, ўзининг ваколати доирасида Кенгашнинг барча ишларини ташкил этади ва бошқаради, кенгашнинг бошқа ташкилотлар билан ўзаро алоқасини амалга оширади, Кенгаш фаолиятига тааллуқли ҳужжатларга имзо чекади;

- Кенгаш йиғилишларининг ўтказилиш вақти ва кун тартиби тўғрисида қарор қабул қилади;

- Кенгаш номидан олий таълим муассасалари ёш олимлари талаб ва истакларини ҳимоя қилади;

- Кенгаш раиси йилда бир марта қилинган ишлар юзасидан кенгаш йиғилишида ҳисобот беради;

- Белгиланган мақсад ва вазифалари, иш режасининг амалга оширилиши – умумий фаолияти юзасидан ҳар ярим йилда университет Илмий Кенгаши йиғилишида ҳисобот беради.

3.6. Йиллик ҳисобот натижасига асосан Кенгаш унинг ваколатини тўхтатиш ва янги раис сайлаш ҳуқуқига эга.

3.7. Раис ваколатини тўхтатиш ёки давом эттириш тўғрисидаги қарор яширин овоз бериш йўли билан амалга оширилади, агарда аъзоларнинг камида учдан бир қисми фаолиятни тўхтатиш таклифи билан чиқиб, аъзоларнинг камида учдан икки қисми ёқлаб овоз берган ҳолларда.

3.8. Кенгаш раиси хизмат сафари, бегоблиги, таътилда бўлган вақтда унинг вазифасини Кенгаш раиси ўринбосари бажаради.

3.9. Кенгаш раиси ва қотиби филиал томонидан моддий ва маънавий рағбатлантирилади.

IV. КЕНГАШ ФАОЛИЯТИ

4.1. Кенгаш ўзининг фаолиятида:

- жорий йил учун ўзининг режаларини ишлаб чиқади ва тасдиқлайди, уларнинг бажарилиши тўғрисидаги ахборотларни тинглайди. Кенгаш тадбирлари, илмий анжуманлари, семинарлари режаларини тасдиқлайди, тадбирларга тайёргарлик ва ўтказиш жараёни тўғрисидаги ахборотларни тинглайди.

- Ёш олимларни мунтазам равишда филиал проессор-ўқитувчилари, тиббиёт соҳасининг йирик ташкилотларининг раҳбарияти, тажрибали мутахассисларини маърузаларини режа асосида ташкиллаштиради.

- ТТА Термиз филиали Ёш олимлар кенгаши фаолиятини мувофиқлаштиради. - Ёш олимларни ЎЗССВ, ОЎМТВ ва филиалдаги “Янги ғоя, инвестиция, инновация” Фонди ташкил этган танловларга ёшларни жалб этади ва тақдим этилаётган лойиҳаларни муҳокама этади.

- ЎЗР ОЎМТВга, ЎЗССВга ҳамда филиал раҳбариятига ёш олимларни йўналишлар бўйича хорижга илмий тажриба ва малака оширишга, халқаро илмий анжуманларда иштирок этишга юбориш тўғрисида таклифлар киритади.

- Кенгаш йиғилишларида хорижий илмий-марказлар ва муассасаларда малака оширган ёш мутахассисларнинг ахборотини тинглайди.

- ЎЗР ОЎМТВга, ЎЗССВга ҳамда филиал раҳбариятига ёш олимларнинг энг яхши ишларини тақдирлаш бўйича таклифлар киритади.

- Филиал ёш олимларининг ютуқлари ва эришаётган натижалари тўғрисидаги маълумотларни оммалаштиради.

- кенгаш таркибига ўзгартиришлар киритиш бўйича таклифларни кўриб чиқади ва муҳокама этади.

4.2. ТТА Термиз филиали Илмий Кенгашига қуйидаги масалалар бўйича:

- филиал профессор-ўқитувчилари, катта илмий ходим-изланувчилар, мустақил изланувчилар ва ёш мутахассисларнинг илмий ишларидаги юқори кўрсаткичлари учун тақдирлаш тўғрисида;

- филиал профессор-ўқитувчилари, катта илмий ходим-изланувчилар, мустақил изланувчилар ва бошқа ёш олимларга моддий ёрдам кўрсатиш тўғрисида;

- филиал профессор-ўқитувчилари, катта илмий ходим-изланувчилар, мустақил изланувчилар ва ёш олимларнинг илмий-тадқиқот фаолиятини талаб даражасида олиб боришлари учун зарур шарт-шароитлар яратиш тўғрисида;

- ўқув курсини муваффақиятли тугатган ва диссертациясини ҳимоя қилган ёш олимларни иш ўринлари билан таъминлаш масаласига таклифлар киритади.

V. КЕНГАШ АЪЗОЛАРИНИНГ ҲУҚУҚ ВА МАЖБУРИЯТЛАРИ

5.1 Кенгаш аъзоси ҳуқуқлари:

- Кенгаш аъзолари тенг ҳуқуқ ва мажбуриятга эгадирлар ва ушбу ҳуқуқ ва мажбуриятлардан тенг ҳуқуқлилиқ асосида фойдаланадилар.

-Кенгаш йиғилишида катнашиш, Кенгаш фаолиятига оид асосланган таклифларни филиал илмий-техник кенгашига киритиш.

5.2 Кенгаш аъзосининг мажбурияти:

- Кенгаш фаолиятига тегишли қарор, мажбурият ва топшириқларни ўз вақтида сифатли бажариш.

- Ихтиёрий равишда ўз зиммасига олган Кенгаш фаолиятига тааллуқли бўлган топшириқ ва мажбуриятларни виждонан, фаол ва ижодий бажариш.

VI. КЕНГАШ МАЖБУРИЯТЛАРИ

6.1 Катта илмий ходим-изланувчилар, мустақил изланувчилар, иқтидорли талабалар ва ёш олимлар илмий-тадқиқот ишларини ташкил қилиш ва режалаштиришда қўмаклашиш, уларга илмий-тадқиқотни муваффақиятли амалга оширишлари учун тегишли шароит яратишда ёрдам кўрсатиш, уларнинг манфаатларини ваколат доирасида ҳимоя қилиш.

6.2 ТТА Термиз филиали раҳбариятини катта илмий ходим-изланувчи, мустақил изланувчилар ёш олимлар ва мутахассисларнинг илмий-тадқиқот фаолиятидаги муаммолари тўғрисида ўз вақтида хабардор қилиш ҳамда ушбу муаммонинг ечими тўғрисида раҳбариятга таклифлар киритиш.

6.3 Катта илмий ходим-изланувчилар, мустақил изланувчилар, иқтидорли талабалар ва ёш олимлар томонидан амалга оширилган илмий тадқиқот ишлари натижаларини амалиётга жорий қилиш бўйича уларга қўмаклашиш ва бу борада тегишли таклифларни тайёрлаш.

VII. КЕНГАШНИНГ ИШ ТАРТИБИ ВА ҲУЖЖАТЛАРНИ РАСМИЙЛАШТИРИШ

7.1 Кенгаш ўз ишини Кенгаш йиғилишида қабул қилинган ва Кенгаш раиси томонидан тасдиқланган йиллик режага биноан амалга оширади.

7.2 Кенгашнинг мажлислари, йиғилишлари ва бошқа тадбирлари Кенгаш раиси ва котиби томонидан имзоланган баённома билан расмийлаштирилади.

7.3 Кенгаш ҳужжатларини расмийлаштиришни Кенгаш котиби амалга оширади.

7.4 Қабул қилинган қарорлар бажарилишининг назорати Кенгаш раиси томонидан амалга оширилади.

VIII. КЕНГАШ НИЗОМИГА ЎЗГАРТИРИШЛАР КИРИТИШ ТАРТИБИ

Низомга ўзгартириш ва қўшимчалар Кенгаш томонидан киритилади ва Кенгаш аъзоларининг 2/3 қисми иштирок этган умумий йиғилишда очиқ овоз бериш йўли билан қабул қилинади. Умумий йиғилишда қатнашаётган Кенгаш аъзоларининг 2/3 қисми Низомга ўзгартириш ва қўшимчалар киритишни ёқлаб овоз берганда Низомга ўзгартириш қўшимчалар киритиш тўғрисидаги қарор қабул қилинади.

IX. ЯКУНИЙ ҚОИДАЛАР

Кенгаш фаолиятининг қайта ташкил этилиши ёки тугатилиши филиал директори буйруғига мувофиқ амалга оширилади.